



Broj: 01/2-04-1977-1/2024
Breza, 15.11.2024. godine

Na osnovu člana 64. stav 1. tačka b), člana 70. st. 1, 3. i 6. i člana 90. Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24) na Preporuku Službe za privredu, u postupku javne nabavke direktnog sporazuma za nabavku: „Usluge revizije niveliranog Glavnog projekta konzervacije Staroantičke bazilike u Brezi“, a u skladu sa Zahtjevom o pokretanju postupka javne nabavke (broj: 02/1-2-11-3234/2024 od 07.11.2024. godine) i člana 39. Statuta Općine Breza („Službeni glasnik Općine Breza“ broj: 7/21), Općinski načelnik, d o n o s i

ODLUKU
o izboru najpovoljnijeg ponuđača
DIREKTNI SPORAZUM

Član 1.

Prihvata se ponuda za nabavku: „Usluge revizije niveliranog Glavnog projekta konzervacije Staroantičke bazilike u Brezi“ od ponuđača „IPSA INSTITUT“ d.o.o. Sarajevo, ID broj: 4200032270003.

Cijena nabavke, na osnovu ponude broj: 3374/24 od 12.11.2024. godine iznosi 1.480,00 KM bez PDV-a, odnosno 1.731,60 KM sa PDV-om.

Član 2.

Ugovorni organ neće zaključiti ugovor nego će se direktni sporazum smatrati zaključenim prilaganjem računa ili druge odgovarajuće dokumentacije.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

Obrazloženje

U skladu sa članom 18. stav 3. Zakona o javnim nabavkama („Službeni glasnik BiH“, br. 39/14, 59/22 i 50/24) ugovorni organ ne donosi odluku ili rješenje o pokretanju postupka javne nabavke u pisanom obliku.

Javna nabavka je provedena putem direktnog sporazuma.

Postupak javne nabavke pokrenut je Zahtjevom za pokretanje postupka javne nabavke broj:02/1-2-11-3234/2024 od 07.11.2024. godine.

Prijedlog za započinjanje postupka javne nabavke zasnovan je na Planu javnih nabavki Općine Breza za 2024. godinu - usluge, pod rednim brojem 31. u skladu sa članom 17. stav 1. Zakona o javnim nabavkama BiH („Službeni glasnik BiH“, br. 39/14, 59/22 i 50/24).

Procijenjena vrijednost javne nabavke usluga iznosi 1.700,00 KM, bez poreza na dodatnu vrijednost.

Kriterij za dodjelu ugovora je „najniža cijena.“

Služba za privredu je izvršila prethodno ispitivanje tržišta i utvrdila da ponuđena cijena nije veća od odgovarajuće tržišne cijene, na osnovu čega je pokrenut Zahtjev za pokretanje postupka javne nabavke: „Usluga revizije niveliranog Glavnog projekta konzervacije Staroantičke bazilike u Brezi“ u skladu sa članom 14a. Zakona o javnim nabavkama.

Pismeni zahtjev upućen je ponuđačima: „INSTITUT GIT“ d.o.o. Tuzla, „AMBIJENT“ d.o.o. Tuzla, „IPSA INSTITUT“ d.o.o. Sarajevo i „ARHI PLUS“ d.o.o. Mostar.

Krajnji rok za prijem ponuda je utvrđen najkasnije do dana 12.11.2024. godine, na protokol Općine Breza, Bogumilska br.1. Breza, elektronski putem e-maila ili faksom.

Do dana 12.11.2024. godine, zaprimljene su ponude:

R.B	Naziv / ime ponuđača	Datum prijema	Broj i datum ponude	Ukupna cijena bez PDV-a	PDV	Ukupna cijena sa popustom i PDV-om PDV
1.	„INSTITUT GIT“ d.o.o. Tuzla	11.11.2024.	7.1-02-195/24 od 08.11.2024. g	1.650,00	280,50	1.930,50
2.	„IPSA INSTITUT“ d.o.o. Sarajevo	12.11.2024	3374/24 od 12.11.2024. g	1.480,00	251,60	1.731,60

Služba za privredu je pregledala ponude i ustanovila da su ponude ponuđača „INSTITUT GIT“ d.o.o. Tuzla i „IPSA INSTITUT“ d.o.o. Sarajevo, dostavljene u roku, prihvatljive ponude i ispunjavaju formalno-pravne uslove. S obzirom da je kriterij za dodjelu ugovora „najniža cijena“ na osnovu člana 64. stav. 1 tačka b) Služba za privredu je dala Općinskom načelniku preporuku da prihvati ponudu Ponuđača: „IPSA INSTITUT“ d.o.o. Sarajevo.

Služba za privredu je uzela u obzir faktore kao što su: cijena, količina, kvalitet, vrijeme i period izvršenja usluge i sl. te je izabran ponuđač na način koji garantuje najbolju razmjenu vrijednosti za novac.

Pri donošenju Odluke, Općinski načelnik, se posebno rukovodio činjenicom, da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka.

Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Službe za privredu.

Naime, u postupku je ocijenjeno da je Služba za privredu u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Primjenom člana 64. stav 1. tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU

U skladu sa članom 101. stav (6) Zakona o javnim nabavkama u postupku direktnog sporazuma, žalba nije dopuštena.

Predlagač: Služba za privredu, Salih Hasanspahić
Obrađivač: Jasmina Došlić

Dostavljeno:

- 1x Svim ponuđačima koji su učestvovali u postupku javne nabavke
- 1x Služba za privredu
- 1x Služba za finansije, inspekcijske poslove i opću upravu
- 1x web stranica
- 1 x evidencija
- 1x a/a

OPĆINSKI NAČELNIK

Vedad Jusić